

雜
劇
三
集

長公妹

南山逸史著

踏莎行

末上

短髮如銀。微鬚添皺。秋風倍惹身消

瘦。迭尋韻事。譜歌喉。餘生聊覓紅爲友。蘇妹香

才。秦觀捷手。

鴛闌三試。諸佳偶。名成重把腹笥搜。

險些罰了三杯酒。

正名

蘇小妹香閣中巧續繡球詩。

秦少游合巹時再填龍虎榜。

第一齒家慶

長公妹

正官
引子

齊天樂

旦豔妝扮蘇小妹侍女隨上希微初

旭穿紗絳。夢境猶趨函丈。獨秀江山。瑞鍾蘇氏。天賦蛾眉。不讓三春花放。看南極星懸。棣萼齊芳。初

度欣逢。邀兄同進紫霞觴。

侍女

侍女叩頭

旦

起來

南柯子

花落千千點。鶯啼兩兩聲。晝長忽忽夢初

醒。薄薄春衫試也。煞盈盈。

蝶舞深深幕。鷗眠淺

淺汀。淡雲漠漠弄微晴。冉冉春將去矣。漫縈縈。奴

家父親老泉居士。飽學足三冬。高少微處士之名。

母親程氏。相夫兼四德。傳寶婺淑人之譽。生有兩

兄名載、名轍、聯登金榜、共步玉堂、中年生我、呼爲
小妹、愛若掌珍、奴家鍾峨眉之黛色、漱學字之巴
流、胸澄秋水、華渚敢擬皇娥、佩解明璫、漢陰未逢
交甫、撫紈扇而詠秋風、豈遜班姬之什、借楊花而
擬冬雪、何慚謝女之才、是父是子、據才名應曰四
蘇、難弟難兄、求配偶誰爲雙璧、但願養志承歡、那
想遲歸終吉、自今三月、桃浪翻花、柳風飄絮、止人
生行樂之會、今日上弦、冀開七葉、夢叶長庚、恰爹
爹歡降之辰、奴家特備一尊、以介眉壽、理應兩兄

代奴把盞侍兒你快到中堂請太老爺太奶奶二位老爺到園中飲酒侍女請介外蒼髯冠服扮蘇老泉老旦補服扮程氏上介

前引開鷗未得離塵網。有子趨庭堪賞。稽古神勞。辯奸論著。自笑雄心未降。末大髯扮蘇子瞻小生三髯扮蘇子由俱冠服上一堂懽暢。正世際昇平。淑景初長。愛日趨鏘。忽聞弱妹喚持觴。同旦見外介爹媽萬福外老旦兒輩少禮旦見末小生介哥哥萬福末小生妹妹拜揖各侍立介外孩兒你請

我出來、有何話說、旦跪介、今日是爹爹誕辰、孩兒特備酒餚、請兩兄爲爹爹稱慶、外笑介、生受你了、旦向末介、長兄把盞、末把盞、小生旦隨奉介、

南呂過曲

梁州序

末小生池流不競、簾風初靜、淺綠深

紅交映、孩兒兩人呵、同登玉局、書香一脉、崢嶸旦

合只見鶯喉低度、燕羽斜翻、正好把春觴進畫屏

圍十二玉亭亭、幾樹繁華照眼明、合人英俊時平

定春光未老、椿萱並、頻勸酒、祝椿盛、旦奉酒介

前腔

旦

榆錢徑滿、蕉裙窗蔭、樓對南山、端正孩兒

長公妹

呵調脂弄粉也來詩禮趨庭只見海棠嬌睡官柳
低眠人在蓬萊境銀塘流曲曲細堪聽酒爲花催
肯暫停合前

換頭

前腔

外老旦洗紅螺移酌前楹皎玉樹森然

輝映我蘇明允呵一經白首未遂騰鶩數年逾半

百受兒貽贈

指末介

賦兒近前來

末

孩兒有

外汝

不聞人之所畏者三端乎那文人之舌端與法家
之筆端武士之劍端並提而論似你這胸蟠五岳
筆湧三湘未免多蹭蹬仕途盤九曲妬才名安得

堂中。共聽鶯。
合前末孩兒謹遵嚴命。

前腔末小生聽嚴詞遺訓一經鐫方寸。舌端自禁。

願早歸子舍。膝下懽承。只是小妹呵。那更胸。飄謝。
絮筆。絮班書。若個堪投鏡。
外老旦你不須爲妹子

過慮。姻緣綿五百。赤繩繫自有。郗家快婿乘。
合前

外日漸西沉。酒已過多。收拾進去罷。
衆日雖云夕、

興尚未闌。那疎柳外一鉤新月。更自可人。求爹媽

洗盞更酌。達曙爲歡。
外大笑介兒輩既有此興。老

子興復不淺。快移酒在前軒去。暢領兒輩之情。
解

長公妹

四

衣移席介衆求爹爹行一令兒使孩兒輩共醉花

前外一時想不出甚麼令來也罷就把塔前花石

爲題吟詩二句押冷香兩字酒到詩成若少俄延

跪飲大觥末小生奉酒介請爹爹首唱外飲介水

向石邊流出冷風從花裏過來香老旦酒到小孩

兒了末飲介拂石坐來衣帶冷踏花歸去馬蹄香

老旦酒到二孩兒了小生飲介石盡嚼餘牙畔冷

梅花彈遍指頭香老旦酒到小妹了旦飲介石上

鶻啼喉漸冷花間蝶宿夢猶香外鼓掌笑對老旦

介你看孩兒們應口而成。各吐奇句。男子尚不爲
希罕。如吾家小妹。真可稱女翰林也。衆奉外大盃

合唱

節節花前次第賡好嚶鳴。香閨芸閣多聰穎。珠

同淨玉共明。笙歌競。麝蘭徹夜焚金鼎。天倫樂事
誰家並。合百歲春光值此宵。歡娛肯使壺觴剩。

前腔蓮壺漏已頻。夜將平。坐來風露侵衣清。銀河

迥斗柄橫。千秋慶。共誇金馬錫原逞。更欣玉樹蘭

房競。合前外醉衆扶介我兒。樂不可極。兩老人家

要就寢矣。收了筵席罷。**衆**謹依嚴命。

尾聲夜深沉。人酩酊。四侍兒提燈照介。把蘭焰蓮

燈高秉。願歲歲年年醉醖醢。

高館張燈酒復清。高適舉杯酹月祝長庚。朱灣

四時最好是三月。韓偓竹枝紗巾遂稱情。崔峒

第二齣郵晤

中呂引

洞庭芳

生巾服扮秦少游上。斗室堪娛。葩詞

自遣。胸涵萬頃雲烟。奈無人堪語。文酒漫流連。最
喜甓湖潏灩。獨遊行得句。仙仙人在。狷。閉門古處。

夢不到塵緣。水國蒹葭夜有霜。秋風詞客意悲涼。
望深江海連天遠。時有白鷗窺草堂。小生秦觀字
少游。一字太虛。高郵人也。年華弱冠。風節自矜。志
希三立。才絢七襄。援筆立成篇。爭道錦心繡口。滿
腔是何物。無非虹氣雪腸。目下功名未遂。家室未
諧。此地一派水鄉。俗雖淳而近於鄙。碌碌無可論
交。妻子是一生作伴的。何敢漫投玉鏡。只東門外
有一高阜。四面湖光。儘堪吟眺。我春風秋雨。獨往
獨來。那披簑的漁父。便是我的友朋。點波的白鷗。

便是我的妻室了。海內文宗，共推眉山蘇氏父子，
柰山川間阻，會晤爲難，不期昨日蘇子瞻同著黃
山谷過訪，我他出失迎，因想海內人豪，互相傾慕，
大蘇胸中，也知淮南無人，止挺生一個秦少游，他
今日必然再訪，不免命蒼頭候門者，喚介蒼頭那
裏。丑上淺淺小堂鵝鵲入，家家門外一渠蓮。相公
有何分付，生蘇老爺黃相公今日若來，卽忙通報，
丑曉得，末子瞻外黃山谷巾服上。

唱

曲 玉案

那江水秀生奇彥，却被少游全占。望裏

湖光明一片。幽人尙志卜宅在柳堤蘆畔。末下官

翰林學士蘇軾字子瞻。外小生黃魯直字山谷。揖

介今日再訪少游來此已是他館中了。丑入報介

相公蘇老爺黃相公到門了。生迎介末外昨米面

尊兄今日竭誠過候。生企仰斗山。昨失側展有罪

了。敝地頗以水勝。城中無可寓目。東郭外有一高

臺。可以四望湖光。小生已備有濁醪烹葵釣鯉。但

恐簡褻兩位先生。外末樂水有懷。何當盛款。卽便

同行。丑挑食欄行介

眞正名人
無一時不
念民生國
事

長公刻

七

黃鍾
過曲

絳都春序

衆

秋林瀟灑看長堤衰柳奔流嘴

壩簇簇霜花是一幅顧愷層城丹樓盡黎民猶得

全漁稼聽欵乃在蘆邊響答合飛翔只有白鷗閑

看漁父盡將罾掛丑已到臺邊了衆作登高四望

介妙嗟你看白隨天盡綠遶城低蒲帆與水鳥爭

飛草間共漁磯環列真大觀也快浮大白來坐飲

介

換頭前腔堪訝波藍於髮盼水色天光難分上下

遠影微茫只幾點鷺游紅蕖下氣蒸雲夢形相亞

那沙際晴嵐射雙塔。合前生小生周守簾窗。未知

朝政。近聞聖人嚮用王安石果否。末是真想宣麻

在旦晚了。生聞此公垢面敝衣。是作假的人。若得

秉政。可不誤了天下蒼生。末正是家大人著有辨

奸論。正爲此公學術偏謬。恐其流毒海內。吾兄與

言及此。足見留心經濟。手眼出人。不獨文詞冠世。

吾輩拜訪不虛。欲仗尊酒。一訂深交。不識兄意若

何。生一介鮑生。焉敢與海內鉅公訂盟。末外說那

裏話。奉酒交拜介。

長公床

滴滴金

言言投契金蘭洽。不枉了千里相思而命。

駕歎朝家求治。把僉王拔漢平津。多行詐。**合**閒觀。

詳察。倘遭時遇主。須撐達。秦兄。你有日立朝。務把

黎民疾苦切陳。萬不可變舊章。行新法。看此窮黎。

忍教困殺。**末**吾兄可有室否。**生**小弟發願。定要娶

一才女。**末**笑介。天下那得有才女。堪配秦兄的。**外**

令妹才學。不在兄右。何不許與秦兄。以遂其願。**末**

弟不敢自專。待稟過家尊。煩兄作伐。**生**作相高門。

小弟實際榮幸。**末**今日之游。可爲暢懷。但座中少

一點紅耳、**生**做鄉絕少此輩、近聞一楚姬名喚片雲、頗知文墨、不妄接一客、小弟實未見其人、**末**何不命尊使邀來、**生**蒼頭快去喚來、**丑**應下**生**二兄請酒、**末**且留典以待佳人、

前腔銜盃再把衷腸話、有翠袖還當醉落霞、眼前西子輕濃抹、濯清纓、鬚堪把、**合**閒觀詳察、倘遭時遇主、須撐達、看此窮黎、忍教困殺、**丑**同貼旦上、摘句書團扇、藏花染舞衣、**貼**見介、列位相公、萬福、衆回揖介、坐下罷、**生**斷鬟接黛、逸致凝眸、一片巫雲、

名稱其實、貼奉酒衆合唱介

袞遍 凌波蕩玉芽。檀口芬蘭麝。兩點星眸似向秦

郎抹。湖光澹雅。偏宜稱他。頓令人量如蛙。也頻傾

玉竿。

貼那一位相公、是秦相公、

末

何故問他、

貼奴

家日夜習其樂府、久慕高才、末外笑指生介此便

是秦相公了、貼出席整容下拜介眾却是爲何、貼

奴有言告稟、奴身雖落風塵、頗知敬重才人、謝絕

俗子、故把秦相公的詩詞、篇篇手錄、時時捧誦、倘

肯贈奴點墨、便是三生之幸了、生拱手向外末介

蘇老爺乃玉堂貴客、黃相公是藝苑名人、你若得
其詩詞、勝我萬倍、**外末**佳人屬意、何必推遜、**生**這
般說、只得呈醜了、**貼**遞帕、**生**疾書、**介**念**介**脚上鞋
兒三寸羅、唇邊朱麝一櫻多、見人無語但迴波、料
得有心憐宋玉、祇因無奈楚襄何、今生有分向伊
麼、右調浣溪紗、倚醉贈片雲女校書、**貼**重念**介**今
生有分向伊麼、相公何出此言、若不棄奴家下賤、
願就今日結今生緣、奴此身生死相從、不他適矣、

套遍

衆合似相逢、漢水涯、似相逢、漢水涯、珠玉凝

湘帕生對客揮毫醉膽渾無怕貼片言增價守身

莫瑕誓今生再不復逐東風嫁衆天下有這等女

子志節可嘉吾輩今日所遇皆第一流人物欣暢

欣暢只天色漸暝大家踏月而回罷

尾聲名流契合緣非乍恨催歸晚鐘一下又早見

月映洲前蘆荻花

末外春山無伴獨相求杜甫生楓葉蘆花並客舟許

貼從此文星在何處羅隱合更憑飛夢到瀛洲胡宿

第三齣續詩

南宮引

掛真兒

外上懶應塵情耽誦讀。丘園裏點易

爲娛。時近清和。庭多蘭桂。且向花前散步。老夫註

易之暇。不免到園中閑步一回。行介你看榆錢滿

地。綠暗紅稀。光景甚是可愛。遠望見一樹皎如白

玉。團若晶毬。開的恁般茂盛。近看介原來是繡毬

花。已大放了。我想此花因有色無香。就不爲詞人

品題。花木亦有幸有不幸乎。老夫却要品題一番。

爲他抬起聲價來。細看介好難摹擬也。

黃鍾過曲

畫眉序

芳樹好難摹。玉蕊繁枝似新沐。想花

神。逞。巧。梨。簇。梅。鋪。斜。結。有。雲。氣。相。連。欠。缺。倩。月。光。
爲。補。縱。無。撲。鼻。馨。香。處。一。段。穠。華。誰。伍。我。有。了。做
一。首。七。言。律。罷。書。童。快。取。筆。硯。過。來。丑。上。滌。研。池
爲。黑。調。硃。露。亦。紅。太。老。爺。筆。硯。在。此。外。作。吟。寫。介
天。巧。玲。瓏。玉。一。丘。迎。眸。爛。熳。總。清。幽。白。雲。疑。向。枝
間。出。明。月。應。從。此。地。留。停。筆。作。想。介。淨。扮。院。子。持
帖。急。上。稟。上。太。老。爺。王。太。師。老。爺。有。帖。相。請。外。你
回。他。我。從。容。去。淨。這。使。不。得。王。管。家。幾。乎。闖。將。進
來。說。他。的。老。爺。有。要。緊。話。立。等。商。量。外。放。筆。介。如

此只索要去了、好詩吟未就、唔俗子却相招、**下旦**
同侍兒唱上

仙呂入
黃鍾

月上海棠刺繡餘。春憨睡起嬌無主。且下

堦消遣。看映水朱魚。**侍兒**小姐你看這魚、也有金

管的、也有銀管的、那那兩尾的、趕著三尾的、好
不遊得快、有趣有趣、那園中的花、開得十分爛熳、

和小姐去瞧一瞧何如、**旦**使得、**侍**作開園門介**旦**

漾簾櫳柳色苔痕。樂臺池鶴鳴鹿伏穿芳路。呀已

是椿庭點易書屋。緣何爹爹書房大開在此、**進介**

想有事出去了、檢閱得詩介念前四句介原來是
詠繡毬花的、怎麼只有四句、却又不是絕句、是了、
想因應酬忙迫、未及吟完、

畫眉序

舒頴豈中枯。剝啄聲頻。腕還駐。看團團玉

映。耀目輝裾。似粉蝶羣翅。相圖儼。晶玉如環交互。

我待要續完四句、以成一首、爹爹素加憐愛、決不

嗔我續貂、作寫介忽然思緒如蠶吐。振筆完成佳

句。詩已寫完了、笑看介不免仍藏原處、看爹爹回

來、作何意見、我與你仍回繡房中去、**下外上**

滴溜子 塵緣擾。塵緣擾。兩眉攢蹙。敲詩句。敲詩句。
掛人心腹。嫋嫋餘音誰續。王介甫這老兒，是我極
嫋得會的，被他纏了半日，議論不合，快快而回。歎
花神待品評。笑塵事相纏縛。忙轉吟完，待教刻竹。

看詩驚介

鮑老催 抽毫注目。甚人敢把詩篇污。呀，竟續完了。
四聲完就無虛牘。待我念來。**念介** 瓣瓣折開蝴蝶
翅，團團圍就水晶毬。假饒待得香風送，何羨梅花
在隴頭。**手作圓介** 竟做得好，莫埋怨儘幽奇。更芬

馥。細看這筆跡。是我女兒小妹的。蠅頭寫得如金。
粟。錯落瑤姿摹擬足。無煩老子撚鬚續。待我喚他。
出來問他。向內介。快請小姐。內應請介。旦上。
換頭降黃龍。鍼兒引線偏迂。漫向尊前修樓弄斧。
見外介。爹爹萬福。外。這詩可是你續的。旦。孩兒自。
知續貂。有罪了。外。做得好。著實虧你。青藍休辯。要。
辯個藍出青逾。旦。痴愚花前閒覷。見爹行灑墨偶。
缺璠璣。不覺的吟情浮動。依樣葫蘆。

前腔

外。果然近墨隣朱。背唱介。是他出口成章呵。

那得才郎東牀坦腹。我兒我有兩卷詩文在此。却都是有才名的。玉珎相混。怕混得玉泣珎。沾與卷旦介。你替我細細看來。躊躇研珠滴露。免教人目誚無珠。背旦低唱。這的是姻緣大事。巧婦評夫。旦作看介。這一卷才情噴礴。然一瀉千里。少紆迴之致。藻發所長。含蓄所短。取巍科則有餘。享大年則不足。那一卷才情颺發。風骨堅凝。秀外慧中。玉堂之品。爹爹據孩兒看來。此人與吾家兩兄。逐鹿中原。未知鹿死誰手。外。你評得不差。旦。請問爹爹。這

兩卷何人所作。**外**一卷是荆公長子王雱的、一卷

是新進士秦觀的、你且回繡閣去罷。**旦下外喚介**

院子那裏。**淨扮院子上覆老爺有何分付、外前子**

瞻大爺說、秦爺爲人、有才有品、今小姐又賞其文、

明日赴瓊林宴、這便是吉期了、可對大爺說、卽備

喜筵、請秦爺與小姐成親。**淨領命、外再聽我分付、**

賞宮花青錢選孚。我嬌兒已點朱天合、教才女配

名儒。不枉十年身未字。雙雙共讀玉堂書。**淨**小人

理會得、

前腔忙傳玉俞命才郎早莫鳧。姓氏才題塔香閣。
永歡娛。真個是五百姻盟天註定。眉山篴水路非。
迂。明日小人跟隨秦爺。瑯林宴罷。卽請回府。以應
吉期。外你須在心者。下。

第四齣考婚

淨扮院子上。一道星迴萬蠟黃。藍橋今夜好風光。
誰道玉人開繡幃。洞房反要考新郎。自家秦衙院
子便是。俺老爺淮南才子。江左名人。進京應舉。已
擢巍科。蒙蘇太老爺將小姐贅爲門婿。在今夜成

親真個笙歌震耳、燈燭連天、好不熱鬧、誰想小姐
霎時作怪、分付丫鬟於洞房之外、設立簾帷、出下
題目、要俺老爺如進科場一般、聽考發落、三試中
式、方許進房、笑介世間那有這樣奇事、我老爺煞
又踉蹌一聞此信、欣然快樂、分付俺快攜硯墨、隨
著進去、說猶未了、老爺早上、生紅圓領紗帽簪花
上集唐仙女吹簫向碧空、自矜人語半天中、直登
萬選鬢頭上、彩鳳雙棲玳瑁宮、下官秦觀字少游、
叨登進士、與蘇子瞻昆仲交好、得作老泉半子、臣

耐小姐自負才高，不肯輕易合卷。要試我三題。當
意之後，方許牽絲入幕。**笑介**：下官技擅雕龍，文成
倚馬，被他盲試官，不以第一人相屬。僅僅入彀。今
日小姐要作主司。正是秦少游吐氣呈能之日。却
不道小登科更勝大登科也。院子隨俺進來者。

北新水令 芙蓉鏡下彩雲浮。試陳思步兒拖逗待。

佳人填虎榜。許學士結鸞儔。賣弄風流，敢書破了。

羊欣袖。**內**：怎那應試的新郎。歸號房聽題。休亂鬧。

者。生坐側位。淨擺筆硯先下。小旦貼扮二鬟上。

南潘妃曲。金屋傳教森嚴守。考試新衆秀。向生前

立介。沒有夾帶麼。生笑介。別人應試。就有此弊。下

官憑著胸中錦繡。取青紫如拾芥。怎做出沒學問

的勾當來。二旦。俺小姐不比尋常試官頭腦。冬烘

哩。恁枯腸仔細搜。寸晷風簷。要三場揮就。不許給

燭。就以月影爲限。影過八磚。既躬身交卷。須依候

二旦。一場做詩。二場射覆。三場作對。三試合式。請

進洞房。一場不中。請出外廂。罰酒三杯。休想成雙。

生笑介。俺只道有幾十條題目。却元來也只是三

個麼內叫領一場題生接看介春詞絕句一首

北折桂令這至公堂起在河洲台坐著織錦天孫

要門下牽牛憑著俺筆勢奔流金聲擲地紙貴皇

州早難道見黜油頭寫介寫不盡心內山丘腕下

蜃樓念介葡萄相暖蕙薰微紅日窺軒睡覺時人

倦披衣雙燕出青絲高骨木蘭枝與二旦介恁既

做巡風鶯使再煩充傳遞花郵二旦向內高叫介

第一場完新郎交卷內小姐分付取進來二旦持

下即上

南岷江綠謹奉堂前語。頭場學頗優。生笑介取中。

了。二旦秦爺且莫便歡喜。小姐說詩詞是文人所

習。縱做得好。還未見當下機鋒。針針相對處。疑難

却在詩之後。暗中摸索含機殼。領二場題。交生介

生接看介。上不在上。下不在下。不可在上。且宜在

下。射個字兒。這到難解。二旦一言道破才方溜。原

試恁聰明。遲驟石卧江頭當下。泰明蘼曰。生思介

是了。是了。作寫介是個一字兒。快與傳進。二旦如

何便是一字。生上字之下。下字之上。不可上邊。且

宜下面。却不是個一字麼。二旦持下卽上。生消息。

若何。二旦照前場。與題介領三場題。要緊時候了。

著實用心。休當耍來。生看介作對。是下官兒童時。

事。小姐小姐。足見你是女流。胸中不多幾個題目。

也。高念介閉門推出窗前月呀。這對出的好巧也。

作行思介。又作手推狀摹擬介。

北鴈兒落得勝令。猛推出碧溶溶。月色幽。空對著。

青拂拂。波紋縐。只道是村童散晚堂。又誰知繡心。

腸。聯難就。擷一味筆尖頭。把佳夕苦淹留。好教俺。

頻搔首。仰青天。費討求。二旦快交卷。生少游小登科。肯落孫山後。了頭。可知道。不中劉蕡主考。羞行。

思介 小生東坡上

南僥僥令 天依描遠岫。月色浸瓊樓。下官蘇子瞻、

自黃州召還。主持少游入贅。今當花燭。小妹面試新郎。此時月已亭午。尚未合巹。且悄然前去探其動靜。生吟前句。介小生哦。原來難他作對。新郎敢難倒也。他獨立徘徊。憑誰救。下官到已對就。只是不好傳遞。我有道理。不免做一個機鋒。少游乃頷。

悟之人。自然聞響會心。作取石投水介俺止向清

波擊石頭。下

北收江南

生

呀。則這一聲兒水面呵。驚起了宿沙

鷗。便擊碎玻璃一片月光浮。機關觸動俺心頭。寫

介。閉門推出窓前月。對他投石冲開水底天。這七

字方能匹休。這七字方能匹休。真個是三場得手

興悠悠。

二旦持下即上。小姐說此對更見高才。著

實的歡喜哩。

丑

這一對便歡喜了。只怕停一會兒

做下那一對的話兒。要受些苦哩。

二旦

休得胡說。

長公妹

九

太老爺們來了。外老旦小生俱冠服上

南園林好夜深沉壺添二籌。悞佳期之乎未休弄。

聰明著甚來由。請秦爺。生小婿在外衆請早舉百

年。請早舉百年。請小姐。旦冠服頂紅袱二旦

扶作樂賓相唱交拜介。外把盞介

北沽美酒太平令

醺鵝觴。祝白頭。醺鵝觴。祝白頭。

列花燭。結鸞儔。夜五紅蓮徹彩樓。雙星映繡毬。暢
好是良緣。奏良緣。奏女貌郎修。種玉遂藍文。雙秀
伉儷諧三生。輻輳。這壁廂百兩齊輝。那壁廂笙璫

迭奏呀。早送入洞房中結褵牽繡。衆提紗燈送生

旦先下。又送外等下。淨院子扯定丑介。衆叩場列

位姐姐。我家老爺才學可好。衆好才學。若是別個

這親定然做不成了。淨不但我老爺就是學生頗

頗也有幾句文兒。丑看你這副花臉。不像通文理

的。淨人豈可貌相。可曉得近孔夫子的蝦蟆會念

子曰麼。丑亦扭頭介。不敢欺。就是奴家伏侍小姐

肚裏頭也有丟丟兒。衆口說無憑。伊兩個便盤一

盤。看是怎的樣文才。淨指丑也罷。你權當小姐。我

權當秦爺、像方纔這樣考中、就與我做老婆、**丑** 啐、

好貨、**衆** 這又何妨、大家做個頑意見、燥一燥脾、**丑**

這等也要考三場、若是不中、大家打他個風攪雪、

我裝小姐、你們就要監場了、**衆** 這個自然、**丑** 我如

今不依小姐的三場、淨怎麼說、**丑** 要倒轉來、淨笑

介、頭一次便要倒弄、**丑** 啐、頭一場作對、第二場射

謎、第三場作詩、你來聽題、園中蝴蝶成羣、**淨** 新

郎對就、山上黃牛逐隊飛、**丑** 放屁、牛那裏會飛、**淨**

蝴蝶怎麼會叫、**衆** 這纔是恰對、**譚介** **丑** 二場猜謎、

小時皮包頭、大時皮搭頭、越大越搭頭、紫金光郎頭、快猜來、**淨**是張卯、**丑**啐、明明是一個茄子、還猜不出、這樣蠢人、**打介淨**打得有趣、這喚做鴛鴦棒了、

南清江引我兩人合配鸞鳳偶、今夜風情抖、快出

題目、我要做詩哩、**丑**惱介不考了、**淨**若不出三題、

扯住**丑**介肯放伊家走、敢是賴婚姻、不考完咱詩

一首、

丑便把個題目考你、**淨**快出來、

前腔

丑看你一似攔人狗、強把奴奴搜、我出詩題

與你賦得癩蝦蟆。想吃天鵝肉。做來應淨。不做譚。

介丑。好像那告考的老童生。醜不醜。打譚下。

中

邪

如

中郎女

南山逸史著

菩薩蠻末上一聲敲破漁陽鼓夜半洲邊哭鸚鵡

碧月走魚腸丹楓灑血香燼冷昆明劫若個蘭

亭帖千古數鬚眉中郎有女歸

重文學的老奸瞞輕財全友

讀父書的俊文姬女作男工

正名

受孤恹的懦賢王拋妻割愛

落便宜的窮董祀婦貴夫榮

第一齣賸姪

曲用南呂韻押蕭豪

戀芳春

外蒼鬚金幘頭蟒玉扮魏王四雜扮官侍

隨上外展手擎天揮戈挽日盡傾吐握勤勞整頓

山河百二鬢髮蕭蕭賦詩橫槊氣凌雲彷彿孫吳

智若神我可負人人不負高登銅雀小乾坤孤家

曹孟德沛國譙人也一破黃巾再平董卓滅袁紹

於官渡斬呂布於定陶袁術誅夷劉表掃蕩紫髯

兒匿影江南大耳賊遊魂巴蜀挾天子以令諸侯

誰謂玩之股掌修文事而嫻武備不辭瘁我心神

求賢每勞夢寐、堪誇如雨如雲、創業克盡艱難、偏
媿爲湯爲武、目今海甸粗平、烽烟暫息、且喜得生
民、略起瘡痍、使孤家少生、髀肉、只是一件、向來國
史、尚未纂修、自孟堅以還、遂成絕響、孤家若不早
擇耆宿名賢、撰成信史、不特把光武來二百年治
亂賢奸、付之模糊影响、就是孤家一片劫漢安劉
苦心、豈不被後來輕薄書生、東塗西抹壞了。興言
及此、饑渴爲懷、今日政務閒暇、不免宣衆謀臣商
議、則箇內侍們傳旨、宣左班衆官進見、**雜領旨、向**

中郎女

二

內介奉王爺令旨宣左班衆公卿進殿朝見末小
生淨丑冠服執笏上草莽光依日月展葵藿聊酌
穹昊爐烟裊宣室追陪共誇班馬才高共入見介
末臣侍中苟彧見小生臣關內侯王粲見淨臣尚
書令劉楨見丑臣主簿楊修見共呼介願吾王千
歲千歲千千歲外衆卿平身衆謝恩各立介外孤
家自舉義旗以來賴諸文武同心衆將士戮力內
除巨逆外掃羣寇今已小底平成漸離水火章程
制度因者因創者創已略略可觀只是國史一節

乃朝廷大典向來渺視編纂兼之兵燹頻仍書冊
不無遺佚。邨金匱石室所藏幾篇目錄也不過是
依樣葫蘆以耳爲目。且更有私心月旦矯是作非。
似這等草草塗鴉何以作則一時垂訓萬古孤家
欲延博學鴻儒把二百年來這些大綱大紀或拈
出本末。一一信筆直書。或獨關手眼層層剝開生
面。務使聖君賢相一種苦心幽憤炳若日星。那些
賊子亂臣幾許詭計陰謀莫逃斧鉞。作攢眉介焦
勞風夜用是爰集衆思。作拱手介協贊謀謨。何以

克辭予望。聽我道來。

梁州新郎梁州府外稱年稱月。書征書討。大義春

秋了了。董狐飛簡。中宵有鬼。鳴號怎得個目空千

古。腹飽三湘墨。洒陽秋皎。書成雲漢也。盡光照煞

強似帝典王謨。鞏聖朝**賀新郎**合奸與佞。忠和孝。

怎比得稗官野史。供歌笑。關世法。係風教。

前腔末前籌未艾。後車偏早。鳬鶴短長難拗。**小生**

登樓作賦。徒堪月弄風嘲。**淨**只合狂歌浮白。嘯飲

流霞。一醉中山老。**丑**猜謎射覆也。鬪輕佻。怎効得

從無人修
史想著中
耶

黼黻皇猷補袞勞。文與獻才和學料。不是尋章摘

句貽嘲。請須搜辟。早徵召。外文若幃幄良材。原非

史筆。仲宣吟風咏月。懶應修文。仲幹德祖詩酒怡

情。不克任公非公是。難道濟濟人才。沒一纂修高

手麼。衆急切間想不起來。外歎介咳。倘我故友蔡

伯喈不死。此事就不費我躊躇了。

前腔換頭外對西風遐想心交。顧東壁永成絕調。

泣介痛高賢零落。淚染緋袍。衆大王請免愁煩。外

聞得中郎書籍。悉委仲宣。至今存否。小生向日攜

中郎女

四

從中郎無
子說到有
女

從能讀父
書想到讀
聲

往荊州。因遭兵火。竟遺亡盡了。外咳。豈料千箱蝌蚪。萬軸龍蛇。俱逐雲烟。繞箕裘誰續也。委蓬蒿。須信道。電影空花。一浪泡。合楚些泣。長沙弔。也只爲斯文將喪。添悲悼。千古淚。豈輕掉。小生中郎雖然無子。喜有女能讀父書。只可惜又藉遠塞了。外文姬陷身絕域。孤家念不去心。小生文姬絕代聰明。父書俱能記憶。况淵源授受。衣鉢自有嫡傳。若得一備纂修史冊。定光今古。外妙妙。仲宣言及於此。大獲我心。孤家卽日取他回朝便了。

前腔

外玉門關盼斷天朝。黃花戍恍歸華表。怕只

怕隴雲侵髻瘦損丰標。**末**聞已入左賢王之手。豈

肯輕易放還。**外**準備著金珠百斛。綵幣千車。易却

如花貌。**淨丑**文姬出塞數年。聞已生二子。就多與

金幣。左賢恐不容贖歸。**外**咳。我自有貔貅百萬也。

鎮天驕。拚得個掃穴犁庭返阿嬌。**內**作金鼓聲介

外何處兵馬之聲。**雜報介**鄢陵侯得勝回朝了。**外**

大笑介。哈哈。黃鬚兒來。我事濟矣。**副**淨赤髯金

冠披掛領衆上。馬似虎。人如豹。功成奏凱歌聲噪。

慶得勝盡歡樂。

副淨拜外與衆官揖介外前得吾

兒捷報大是快心。今全師得勝回朝。可謂勞苦功高。好把誅滅公孫淵始末。細細說來。
副淨孩兒荷父王洪福。仗諸將虎威。一到遼左。那公孫淵被孩兒呵。

節節高

副淨長弓與大刀。戰偏鏖。天關搗破。九泥

小遊魂。渺漏網逃。陰陵道。亡囚擒付雲陽間。封疆盡沐恩波浩。

外合

旺氣中原屬吾曹。平成指日邦

家造。

副淨出牌印介孩兒繳上牌印。

外牌印且慢

繳、我有故人蔡中郎、其女文姬、向陷番邦、入于左
賢王之手、今欲贖取歸朝、以修國史、向小生介特
備金幣百輛、浼仲宣一行、向副淨介我兒可仍領
得勝精兵、一同前去、倘左賢甥強、或勦或擒、務必
取此女回朝便了。副淨得令外仲宣可即修國書、
速賞金幣、星夜啟行、小生領旨衆大王如此用心、
真天地覆載之仁、不獨中郎有知、銜結泉壤、就是
臣等合當拜謝、拜介

前腔衆洪恩今古超、薄雲霄、九京喜得陽春照、通

和好擲絳綃。捐金寶。不庭用武。兵威耀。龍韜少展。
磨崖搗。外合並濟剛柔屬爾曹。須教不辱天家詔。

外衆卿退班衆領旨

餘音 合一堂喜起都俞妙。羨君臣父子英豪。願祝
禱玉軸金甌萬載遙。

因嫁單于怨在邊。常建平臺賓客有誰憐。王昌齡
共言東閣招賢地。孫逖欲逐將軍取。左賢王維
第二齣 歸漢 曲用越調 韻押齊微 後一

曲北仙呂入雙調 韻押家麻

霜天曉角

旦胡服女侍隨上。旦崩城墮淚。剩得身。

餘幾。慚愧趨庭詩禮。腔中事有誰知。憶秦蛾。罡風

惡。吹殘世界成沙漠。成沙漠。凍雲迷斗。清霜飄角。

花門雪滿天寥廓。玉關雁斷人寂寞。人寂寞。青

衫泪漬。紅顏命薄。妾身蔡氏。名琰。字文姬。乃漢中

郎伯喈公之女。幼失母儀。終鮮兄弟。纖腰楚楚。休

誇秋水精神。素影娟娟。不羨春山眉黛。慚非賈子。

光分天祿之輝。縱少班兄。腹飽石渠之句。井日還

希舉案風心。師德耀。回圖誰識。長門面厄。北王嬌。

悲介筭年失怙身入虜庭數載離鄉魂遊泉壤
焚孤雁誰知萬里繫紅絲兩兩胡雛豈作百年守
青塚嘆介咳我豈不能沉湘冒刃鐵石堅捺反甘
心蠅玷泥污水霜失節祇爲秦灰幾冷豈容斬一
脉書香指望楚壁可還也博得九泉目瞑哭介只
是交無金史誰憐弱息莖胡天縱有勇冠嫖姚怎
得帛書飛漢闕視此陰風白草毒霧黃雲哀笛一
聲寒沙千里好不悽慘人也

小桃紅風高蘆井雁行低正渺渺天無極也看黯

千山蒼黃落日冷。雲垂四野遍笳吹。受用足酪漿。
羶射生肥。貂。煖空祇向毳圍泣也。妬殺他俊鶻。
高飛早摩過。受降城黃沙磧。傍南歸想當初風承
家教。飽讀父書。描餘剔蠹十二時。目微邊筭吟罷
調螺。四百卷胸藏郝篋。思量做個巾幗男兒。衣冠
女子。誰想降志辱身。一至于此。

下山虎書香奕葉。一綫依稀異國嗟。瑣尾鬼門望

迷。哭介我那爹爹呵。馬鬣牛眠草封苔砌。一滴椒

漿誰奠伊。待思返故里。須索向來生作漢兒。妄想

生還也。料難定期。天那。除非是一夢。南柯化蝶。回
淨扮左賢王白胡髯急上。曉侵成堞。烏先覺春入
關。山雁獨知。阿呀。娘娘阿。不好了。不好了。方纔飛
騎來報。說漢家發了許多兵馬。蓋地而來。口口聲
聲。要挾取你回朝哩。旦驚介。那有此事。傳言恐未
必真。淨怎麼不真。他兵馬都到俺界上了。旦暗喜
佯悲介。淨泣執旦手介。娘娘阿。俺和你兩人呵。

山麻稽

淨魚共水。情何殢。只指望地久天長。交頸

齊眉。

指介

咦。漢家漢家。你家自有三千粉黛。八百

嬌娥、難道只少俺娘、娘一人、又來勒取俺的、作惱
介胡爲、怎教我折散了、氤氲隊、內作金鼓聲介淨
旦俱作驚怕介、令閃殺人旌旗蔽野、刀鎗耀日、金
鼓轟雷、雜奔上、報報報、報上大王爺、天使到營了、
淨作忙介、小生捧詔、雜車金幣隨上、面戴霜威、辭
鳳闕、口傳天語到、鷄林、淨旦俯伏介、小生奉天承
運、大漢皇帝詔曰、華夷率土、車書遠屆、于梯航、日
月經天、覆照豈遺、乎俯蟄、茲爾故尚書蔡邕、女蔡
琰、弱息、僅存血胤、少續若敖、齒齡遠失、遐方、竊悲

中郎女

九

娶嬪、撫今追昔、夢寐難忘、懔死安生、金珠何愛、特遣使臣王榮、賁黃金百鎰、綵幣千端、備捐寶藏、連車大賚、左賢王命達天山、一轎于歸、中郎女、倘或迷戀依違、卽著大將軍曹彰、速整雄兵、用張天討、嗚呼、成仁勉義、固所望于普天、善武能文、實迥超乎亘古、欽哉、謝恩、淨旦山呼拜起介、淨跳哭介、罷了罷了、果然要俺娘娘去了、抱旦哭介、咱家怎捨得你、怎捨得你、對衆介、呸呸呸、俺要這金帛怎的、搖手介、要不要、只是不放俺娘娘去、小生大王

或勸或逼
又怕又恨
情事如畫

在上王梁奉萬歲爺面命呵、

五韻美

小生爲亡臣無苗裔。殘碑荒塚誰澆祭。拱

手介望賢王。曲賜成人美。指介筐筐纍纍也敵得

傾城佳麗。你若貪恩愛。戀唱隨。怕萬騎雲屯。震

驚壁壘

小旦丑披髮金冠扮二子哭上。穹廬秋老

駝峯美。毳帳風高馬乳香。那一個要俺娘娘去哩。

抱旦介我那親娘呵、

蠻牌令

小旦丑遶膝苦號饑。拍手望含飴。搥胸瞻

母面。血淚滿斑衣。霎時節兒啼女悲。怎忍得死別

生離淨小旦丑共向旦哭介天家后下國妃各自
有雌雄匹配如何的挾勢捐妻副淨戎裝執器械
領衆上

五般宜

副淨他那裏哭啼啼聲淒鼓鼙俺這裏雄

赳赳氣奮虹霓他那裏螳臂抗天威俺這裡斬將
搦旗竚還嫵媚衆軍士合呼韓質委闕氏窟徙管
一霎掃千里烟塵向天河將甲洗副淨喊介不要
裝愁作呆啼啼哭哭肯與不肯兩言而決小生左
賢王自然依允元帥且暫息虎威淨向小生介天

使聽者。上邦聖旨。孤家安敢不從。只是你看這兩個呱呱對著娘親。這般啼哭。孤家就是鐵打心腸。也都軟了。小生大王在上。人世分離會合。都是一個定數。

江頭送別

小生姻緣事。姻緣事。怎圖百歲君王命。

君王命。豈同兒戲。副淨青黛綠鞦毘。利行看太

白懸旗。淨重蒙天使遠來。尚容款留幾日。小生欽

限緊迫。時刻難緩。淨也須修道表章。以便天使回

朝。副淨罷了罷了。他日修貢文表上。帶著一句罷。

淨 娘娘阿。你果然要去了。小旦丑 娘娘阿。真個撇了孩兒去了。共哭介。旦略悲介。淨旦小旦丑共拜別介。

憶多嬌。淚淋漓。情慘悽。母子夫妻泣路歧。不到黃泉見面希。頃刻天涯。頃刻天涯。拋閃得爾東我西。衆催介。請娘娘作速上輦。淨小旦丑作掩面介。

餘文。須臾不測風波起。旦作上車掩淚介。似渺渺遊魂天際。衆合寫不盡兩地分離悲。共喜。小生副淨衆擁旦下。淨小旦丑望哭介。

沙磧燕支濕未乾。李嶠教人氣盡憶長安。王輪
從今不舞和番曲。願況猶向旄頭夜夜看衛象。
淨小旦丑哭下旦乘車小生副淨執鞭衆復上

北二犯江兒水

合江山圖畫踏遍了江山圖畫西

風催戰馬看車排雁陣。騎捲龍沙漢天王早告了。
單于假邊月冷流霞。胡雲堆髻鴉吹罷胡笳。彈斷
琵琶。俊文姬早做了文君。寡歲月堪嗟。真個是歲
月堪嗟。風光如乍。且喜的風光如乍。緊絲韁一霎
裏到中華。共下

第三齣完婚

曲用仙呂

韻押尤侯

卜算子

生儒服上系接軒轅胃策續天人手到處

明珠是暗投。吼得芙蓉瘦。男子生爲天下奇。浮雲
親舊歎如斯。遙想青雲丞相府。碧梧棲老鳳凰枝。
小生董祀。字公胤。陳留人也。心慚漂麥。性懶吹竽。
傾翻海蚌珠璣燦。墨飽賓龍剪下天機雲錦香。筆
欺繡虎兔頰晨吟耕盡硯田紅粟。鬼燈夜讀。用完
榆莢青錢三十過頭。徒忍淮陰之餓。一枝未穩。幾
成吳市之囚。咳。滌器難求鳳操賢。縱使賦就上林。

僅作高車赤漢子。樵薪尚少埋羞煩。任爾經談前
席空。成金馬老鰥夫。向年同仲宣。王兄受業蔡中
郎。先生門下蒙分硯。席兼訂姻盟。誰想老師中道
云亡。小姐虜庭羈跡。小生飄流京雒。姻事遂付海
天。近聞得魏王大輸金幣。遠贖文姬。唉。縱使情原
白璧。豈容金屋貯西施。若欲盟締紅絲。怎念屢屢
窮百里咳。這都是一番妄想。何必介懷。只是鶉衣
露肘。破屋撐天。怎過得這淒涼日子。

桂枝香 龍門無寶。桃夭未偶。終不然幾句詩書。罰

盡了孤貧之咒。想尋常好逑。尋常好逑。惟我董祀
呵。儲空升斗。姻慚昴酉。盼悠悠。怎得個茜綬榮青。
眼紅顏咏白頭。小生吉服雜捧冠帶同上

賺

小生佩玉鳴騶。魏闕承恩訪舊遊。作入介來蓬

牖。九重春色絳雲浮。生作驚介叩賢侯爲甚的冠

裳幣帛陳瓊玖。莫不是偶過衡門作暫郵。小生拱

手介仁兄恭喜了。姻緣奏紫泥封裏金懸肘。生搖

手介敢不是小弟麼。小生豈容差繆。尙容陳奏。共

揖坐。介小生魏王追憶中郎夙昔交情。特遣小弟

遠使單于、贖歸小姐、議欲擇配君子、小弟因念吾兄、向有絲蘿之約、已奏知魏王、今詔吾兄與小姐成親、生驚喜介、小第一貧微骨、四壁蕭然、慚無蘇季之金、怎娶梁鴻之婦、小生吾兄近况、一一奏聞、魏王特授吾兄爲丞相掾、外給宅第一區、奴僕器皿、稱是、又賜白金千兩、綵段千端、一爲吾兄、花燭之需、一作小姐妝奩之贈、如今魏王在便殿呵、

皂羅袍

小生虛席風吹朝右、候乘龍佳婿、早咏雎

鳩、拱手介、吾兄呵、彈冠喜已、列螭頭、調螺、獲遂求

風。耦。生。起。向。小。生。揖。介。鍾。期。擊。節。桐。音。爨。收。柯。亭。
枯。竹。笛。聲。韻。悠。小。生。這。是。魏。王。美。意。小。弟。何。功。之。
有。令。噓。培。頓。使。三。星。遶。小。生。魏。王。候。久。吾。兄。就。此。
前。往。更。換。冠。帶。入。朝。便。了。生。領。命。小。生。世。上。豈。無。
千。里。馬。生。人。間。難。得。九。方。臯。同。下。外。紅。蟒。金。幘。衆。
隨。上。

番。卜。算。

外。檻。鳳。寄。瓊。枝。覓。箇。龍。爲。友。休。誇。紅。杏。日。

邊。栽。猶。是。青。青。否。孤。家。遠。贖。文。姬。今。召。董。生。共。成。
夫。嬾。已。令。王。粲。去。久。怎。麼。不。來。小。生。鯢。化。天。池。浪。

勞遷禁苑春、入見外介小生奉旨特召董祀已到
朝門了、外速宜上殿、生冠帶執笏上、奮身辭白屋、
平步上青天、入內朝見外介生念微臣辛舍歌魚、
嚼盡一鎗蔡藿、籬邊乞火、卧殘半帳梅花、蒙大王
俯挈雲天、歡諧魚水、敢怪踵頂、仰答生成、外文姬
胡地遠歸、可慰故人于泉下、卿家中郎快婿、應續
倩女于河洲、百歲方新、永叶瑟琴之好、一官伊始、
宜堅鐵石之操、用凜爾心、勿虛予望、生謝恩起介
外良時已屆、宣取蔡姬上殿、行禮成親、衆領旨、內

鼓樂迎出旦冠帔兜頭上生旦交拜拜外介外就
將花燭鼓樂送新人歸第衆領首外杯交玉液飛
鸚鵡小生樂奏璫簫引鳳凰外小生下衆花燭鼓
樂同生旦行介

一封歌

一封書

合簫聲響鳳樓傍。緱山驂玉虬。爐

烟惹雉裘下。瑤天跨紫騮。橋填碧海。銀河水。斧斫

蟾宮月窟秋。

排歌

紗籠耀綵架。稠祥光瑞靄。滿皇

州花迎笑。月照甌良宵。子夜勝丹丘。

作到第衆下

介生旦卸冠帔各坐女侍立介生夫人我和你勿

補出千思
萬想驕老
姿想當爾

歲未陳。壯齡吳越。夫人立磨崖之化石。下官却巫
峽之行雲。賴魏王妙手補天。鍊就半空五色。神功
掇月。碾成千頃一輪。今日重偕伉儷。永共衾裯。非
容易也。下官向來呵。

長拍 炯炯青燈。炯炯青燈。蕭蕭白晝。總是淒涼時
候。黃蘗半口。爲糟糠淚咽。饑喉壯志冷。吳鉤破寒
毡。經幾度井梧飄。又望斷雁行傳尺素。空落得飛
去。飛來似浪鷗。驀今朝繡幃重整。同心扣。早難道。
華胥國土也。一枕仙遊。

喜處還悲
是中郎女

短拍旦月掛鄉愁。月掛鄉愁。風吹邊柳。楚腰肢瘦。

盡溫柔。泉壤已相謀。何意重生金甌。又出人間垂。

醜。作悲介苦只苦石麟秋。草伴狐狸冷落荒坵。內

作三鼓介女侍夜已深了。請老爺夫人去睡罷。作

執燈介

尾聲合花移影。壺催漏。擁入陽臺巫岫。切莫鷄人。

報曉籌。

和鳴雙鳳喜來儀。蘇頌剪綵花間燕。始飛劉憲

昔日羅衣俱化盡。

故臺城伎

殘花猶發萬年枝。寶座

原缺

傳語夫人青史重前王。平章竚候瀛洲長。旦曉得

煩先生先往覆旨。少頃進呈。一併謝恩。小生領命。

旦多勞了。小生不敢。夔龍禮樂開經濟。班馬文章

寄纂修。同雜下。旦俺蔡琰蒙魏王揮金異域。振旅

殊方。怨魄生還。斷絃再續。賚予時沐恩波。夫嬖共

沾榮顯。春風桑梓。悅親戚以言懷。秋雨蓬蒿。奠靈

魂而隕淚。今爲東漢國史淪亡。特加館職。秉筆纂

修。日來已曾著述一二。早上催促進呈。不免再加

筆削一番。作開卷介。咳。我想光武中興。聖君賢相。

費幾許心血。始致太平歷傳明章和安。尚未幾葉。被這些諸外戚竊持魁柄。大將軍擅弄威權。閹宦橫行。朝廷側目。名流標榜。門戶交爭。直至桓靈。組弛網絕。瓦解冰消。計無復矣。可深太息。作執筆寫介作寫一張女侍傳與末雜抄寫一張介

北山桂令

旦羨中興白水重光。虧著那虎嘯雲臺。

鳳逸桐江。誰想承平未幾。世數相遷。讓幾許怙寵椒房。專權虎將。恣惡貂璫。自古否泰相乘。小人應運。這也不足責了。只是那些自負正人君子的不

去砥柱中流。挽四造化。鎮日裏只管分別爾我。互相攻擊。甚至黃昏搖尾。白晝騎人。拍案怒寫介咳。忘却了誦詩書。匡扶社稷。單只會貪爵祿。黨銅門。牆直弄到國是乖張。盜賊猖狂。那些黨人呵。尚不顧人非鬼責。兀自介說短爭長。末雜抄寫介旦作看書隨意書寫介

南江兒水

末雜落紙雲烟捲。揮毫風雨忙。吐珠璣。

虹氣高千丈。瀉波濤。湘水傾千浪。織流黃天錦。施千狀。旦向女侍介分付這些官兒。快些抄寫。女侍

傳語介末雜曉得。作急寫介句。挾雷霆震響斧鉞。

春秋一字一回稽顙。旦事至今日。沛澤蛇號鼎湖。

龍去。山林斬木揭竿。藩鎮攻城掠地。驕將挾乘輿。

以鷹拳。賊相弄大寶而虎視。若非魏王英明睿智。

聖武神文。虎帳談兵。龍旗下士。那一綫漢祚。半壁。

炎天。不知幾人稱帝。幾人稱王矣。作寫介。

北雁兒落帶得勝令。雁兒落旦看多少狼黃巾劍。

底亡。除却了奸常侍。刀尖喪斷送了逆太師車下。

誅。直弄得狡溫侯堦前葬。得勝令呀。覷著那二袁。

劉表草頭霜。撫東吳。鎮蜀邦。眞個是。莫安漢室。臻
文景。誰及你謙讓。周文薄武湯。助勦壓倒了萬世
卿和相。輝煌堪配著千秋帝與王。作投筆介史已
纂完。收拾進呈去罷。衆應介旦作檢點介淨丑冠
帶作醉態上。醉袖舞嫌天地窄。詩情狂壓海山乾。
淨自家劉仲幹是也丑自家楊德祖是也仁兄你
詞林領袖。我文苑少年。纂修國史。乃我們分內之
事。如今却用蔡文姬柔筆。可不羞殺史官體面麼。
淨便是呢他是個中華棄嬪胡地殘花曉得恁的

不免同到館中。嘲誚一番。**丑**有理有理。同入介。淨
董夫人修得好史哩。我且問你。這不叫做修史。叫
做羞死。**旦**這是魏王舉薦。休得饒舌。**丑**你父親哭
董賊之屍。人心何在。借呂宦之援。大義已虧。你永
斷瑟琴。既已死。拋衛仲道。再投衾枕。又復生。撇左
賢王家門玷辱名節。殘污已成。天地廢人。修什麼
史。修什麼史。**旦**先人暴屍哭市。冒死酬國士之知。
折檻誅璫。遠謫表觸邪之節。妾身淪跡胡庭。豈是
追歡傾國。祇以先世繼起無人。書香難斬。故爾忍

耻包羞。不爲匹婦之諒。一生萬死。希垂烈女之名。
此身未盡。下以續一脉箕裘。吾舌猶存。上以光千
秋史冊。公等自是眼界不寬。難道浮雲足玷。淨好
一個利口嫵人。丑。哈哈。哈哈。若說史冊自有我們會
修。誰要你修來。

南僥僥令

淨丑 金門多俊彥。青史慣商量。自有我

醉寫狂塗稱宗匠。何必恁非漢又非胡。一女娘。旦
咳。只爲你讀書漢子。不顧戴髮含牙。抱笏男兒。忘
却官箴臣節。顛倒是非。掀翻曲直。故此魏王用俺

傾瀉父書三十乘。仰配孔氏春秋。推敲信史萬千
篇。遠續董狐簡冊。淨丑搖頭吐舌介。好大來頭。好
大來頭。說得來嚇死人。

北收江南

旦指唱呀。若不是戴鬚眉把肝腸盡喪。

呵。爲甚的偏將巾幗易冠裳。俺如今把朝綱國是
細推詳。豈尋常數行。豈尋常數行。羞殺恁衣冠行
徑沐猴龐。淨丑作笑介。倒會強辨。我也不與你關
口。且由著你。搖手介。哈哈。不勞筆下三千牘。別
有胸中百萬兵。醉態下。旦那一老一少已去。分付

官兒好捧著史冊、隨俺入朝進呈去罷、末雜捧史
旦同女侍行介

南園林好末雜女侍唱侍瀛仙。梧棲鳳凰。捧琅函

書成瓚瓚。咫尺望鸞坡。達向堪作訓典謨。方須永

寶地天長。雜此是午門了。作共入介內奏事官不

得近前。就此執笏舞蹈。旦舞拜俯伏介末雜白麻

紅燭夜。清漏紫薇天。作捧史入介內有何文表就

此披宣。旦跪奏介臣故中郎臣蔡邕女欽授署史

館事蔡琰謹奏。念微臣呵

北沽美酒帶太平令沽美酒愧筠操德恁凉慚椒
頌才非曠蒙陛下可委任著帝紀裁書黼黻揚是
和非硬主張敗和成難骯髒太平令一年年從頭
慢講一樁樁從長非枉一行行從公不爽俺呵只
合去繡鴂曉窗爲甚獻長楊未央呀若問那五車
書都在俺筆尖兒上內聖旨下旦俯伏介小生資
詔衆官女捧玉帛上九重明聖無疆壽萬里乾坤
一札書小生奉皇帝聖旨魏王令旨制日天球弘
璧固奕代之育珍帝詰皇謨實中天之盛典茲爾

署史官事臣蔡琰、月露心胸、冰霜節操、聿修漢史、克贊皇猷、二百年國是、定若山河、千萬世朝綱、昭於日月、洞觀玉冊、實愜予懷、寶貯蘭臺、用彰永世、特勅封蔡琰爲陳留郡君、歲給祿米千石、以旌厥功、故父蔡邕追贈光祿大夫、母趙氏贈邯鄲郡君、夫董祀、陞屯田員外郎、仍與進階一級、有功之日、另行叙賞、又賜宮嬪十人、隨賁瑤瑤玉帛、送歸私第、嗚呼、才華地負、豈易鍾于一門、史冊天章、堪永垂乎萬禩、欽哉、謝恩、旦山呼起、介衆接詔、介小生

送夫人歸第、衆應介小生遙聞銀鑰將收起、歸院
金蓮濕紫泥、下旦衆作出介生吉服上夢迴金馬
玉堂上、人在冰壺雪梳中、揖旦介下官在此候久
了、下官得藉夫人餘蔭、陞此美職、曷勝榮荷、旦就
此同歸宅第罷生曉得生旦衆共行介

北鴛鴦煞

合官花壓帽朝霞漾、仙音聒耳簫韶亮。

燈輝閃絳裳、婦垂紳夫束帶、都一樣、唱道是才子
們兀自雙雙漢、官兒恁般兩兩受榮華、夫隨婦唱
纔曉得女中郎、做一個文壇將共下。